



Broj/ Број : 02/2-50-1-13-1/07

Sarajevo/ Сарајево : 21.3.2007. godine

ZAPISNIK

Konstituirajuće sjednice Komisije za vanjsku i trgovinsku politiku, carine, saobraćaj i komunikacije

Doma naroda

Parlamentarne skupštine Bosne i Hercegovine, održane 21.3.2007. godine

Konstituirajuću sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH sazvaio je predsjedavajući Doma naroda Ilija Filipović.

Sjednici Komisije za vanjsku i trgovinsku politiku, carine, saobraćaj i komunikacije Doma naroda, u svojstvu članova Komisije, prisustvovali su: Alma Čolo, Dušanka Majkić, Adem Ibrahimpašić, Slobodan Šaraba, Branko Zrno. Opravdano je odsustvovao Rudo Vidović.

Sjednici Komisije prisustvovali su i Aljoša Čampara - v.d. sekretara Doma naroda, te Aida Kreho - v.d. sekretara Komisije za vanjsku i trgovinsku politiku, carine, saobraćaj i komunikacije Doma naroda.

Sjednicom je predsjedavao Ilija Filipović. Nakon što je konstatirano da postoji kvorum, predložen je sljedeći

DNEVNI RED

1. Izbor predsjedavajućeg, te prvog i drugog zamjenika predsjedavajućeg Komisije za vanjsku i trgovinsku politiku, carine, saobraćaj i komunikacije.

Ad.1. Izbor predsjedavajućeg, te prvog i drugog zamjenika predsjedavajućeg Komisije za vanjsku i trgovinsku politiku, carine, saobraćaj i komunikacije

Predsjedavajući Doma naroda Ilija Filipović je, u skladu s dogovorom postignutim na sjednici Kolegija Doma naroda, istakao da dužnost predsjedavajućeg Komisije treba obavljati delegat iz bošnjačkog naroda. U skladu s tim, Adem Ibrahimpašić je za predsjedavajuću Komisije predložio Almu Čolo. Drugih prijedloga nije bilo.

Potom je Filipović naglasio da dužnost prvog zamjenika predsjedavajućeg treba obavljati delegat iz hrvatskog naroda, nakon čega je Branko Zrno predložio Rudu Vidovića. Drugih prijedloga nije bilo.

Dužnost drugog zamjenika predsjedavajućeg trebalo bi da obavlja delegat iz srpskog naroda. Slobodan Šaraba je, u skladu s tim, predložio da dužnost drugog zamjenika obavlja Dušanka Majkić. Drugih prijedloga nije bilo.

Svi prijedlozi su prihvaćeni jednoglasno, te je zaključeno da je za predsjedavajuću Komisije za vanjsku i trgovinsku politiku, carine, saobraćaj i komunikacije Doma naroda PSBiH izabrana Alma Čolo, za prvog zamjenika Rudo Vidović, dok je za drugog zamjenika izabrana Dušanka Majkić.

Predsjedavajući Doma naroda
Ilija Filipović